

## 1. LUKAS: SAKSI NANG TALITI

### TEKS: Lukas 1:1-4

<sup>1</sup> Teopilus nang tahormat,  
Manyak urakng nang dah nyoba ngesahatn gesah nang sabatolnya, tentang hal-hal nang dah jaji ka' antara diri'. <sup>2</sup> Ia ka' koa dah barusaha nyontengan gesah koa, pas man nang di urakng-urakng nyampeatn ka' diri'. Urakng-urakng koa nang nele'nya langsung dari pamulaatn gesah, nang udah koa jaji panyampe kabar nang gagas koa. <sup>3</sup> Laka' kunaliti sisi-sidi sigananya koa dari pamulaatn, aku naap kaputusan untu' nyontengan gesah koa secara taratur jaji sabuah buku untu' kita'. <sup>4</sup> Nang ku manjawat nian, biar kita' nau'an kade' ahe nang dah dingjaratn ka' kita' batol ihan.

### PAMULAATN

Diri' idup ka' jaman “kabar hoak”, ato kabar nang ina' banar. Tiap bulatn ada barita hoak nang di nyebaratn ka' media sosial nang manjawat masarakat bagali'anan. Man alat teknologi nang ampeatn, gampang untu' ngubah poto man pidio untu' nipu urakng lain. Jadi, ka' jaman ka' dimae sisi manyak barita hoak nang dinyebaratn, lemae diri' nau'an nang mae nang batol? Lemae kita' bisa yakin kade' ahe nang dinyampeatn koa bisa di pucaya'?

### NANG DINALITI

- Sumber ahe nang di Lukas make untu' nyontengan kitab nian'? (ayat 1-2)
- Lemae caranya Lukas nyusutn kitab nian'? (ayat 3)
- Ahe tujuan Lukas nyontengan kitab nian'? ( ayat 4)

### NGAGO'T MA'NANYA

- Lukas nian saurakng mantari man ia nian saurakng dari ayungan Paulus. Kira-kira, lea mae persiapan Lukas untu' nyontengan kitab nian'?
- Ngahe Lukas mare' nau'an ka' diri' kade' sigananya nian dinyontengan pas lea ahe nang disaksi mata nele'? Kira-kira sae saksi mata koa?
- Berdasarkan ayat-ayat nian, ngahe diri' pucaya' ahe nang Lukas nyusutn tentang kaidupatn Yesus?

### PANERAPAN

- Lukas nulis kitap nian supaya Teopilus dapat nau'an kade' nang dinuliatn ka' ia banar. Ahe ge' ada hal-hal tentang Yesus nang dah dingjaratn ka' kita', tapi kita' masih ragu? Gesahatn pangalaman kita' ngadapi' karaguatn koa.
- Lemae kita' manjawat urakng lain yakin tentang Yesus?

### BATUKAR PANDAPAT

- Lea mae caranya kita' jadi yakinna' kade' nagar sote' ajaran? Ahe nang manjawat kita' yakin kade' ajaran koa banar?

### NANG ARUS DIRI' PANJAWAT

- Pikiri' kade' ada urakng nang ka' sakulilikng kita' nang tagah naglami karaguatn ka' dalapm imannya. Pikiri' ahe nang kita' bisa panjawat untu' nguatatn imannya.

## **DOA**

- Basukur tagal diri' bisa yakin kade' iman diri' berdasarkan kejadian nang banar-banar terjadi.
- Doaatn urakng nang dah ngaraguatn imannya, supaya Tuhan mare' keyakinan tentang ahe nang banar.